

Go Gyaez Nuengx Hix Gyaez

哥 妹 来 相 爱

□ Suh Dazcin / 苏达进

Sai:
Daj raen daengz nuengx gim,
Ndawsim gou caen angq,
Gag siengj dawz gim bangj,
Mbouj gamj gangj mwngz nyi.

Mbwk:
Daj raen daengz mwngz ngaenz,
Fangzhwnz go daeuj coh,
Raen fajnaj cingcuj,
Daeuj gangjgoj angqyangz.

Sai:
Loqraen nuengx diuqfoux,
Iet fwngz daeuj iu gou,
Naeuz mbouj rox gaej you,
Daengzseiz raeuz caemh angq.

Mbwk:
Ngoenzngoenz bae guhhong,

Baez ndaej hoengq couh ngeix,
Ndaej mbouj ndaej caeuq beix,
Caezcaemh ngeix ndwenngoenz.

Sai:
Haetnaengz bae dwk gaeq,
Youh gag geiq mwngz ngaenz,
Ngaeuz mwngz ngoenzngoenz
raen,
Ndawsim haenh dangqmaz.

Mbwk:
Haemhnaengz cim caenh fanz,
Lwgda caen mbouj ca,
Nuengx gim lumj dujva,
Gou mbaet ma lawzyiengh?

Sai:
Baihrog va miz lai,
Dujduj hai lengjlet,

Mwngz gaej luenh bae cet,
Ngaenz detlet mbouj gyaez.

Mbwk:
Gim gyaez gou hix gyaez,
Daeuj caez gvaq ciuhvunz,
Ninz gwnz oen hix nyienh,
Sim mbouj bienq dahraix.

Sai:
Ngaenz gyaez gou hix gyaez,
Ndaej doengzcaez haenqguh,
Couhsuenq nduj dwgrengz,
Mauhgunz deng raeuz vut.

Hab:
Ngaenz gim caemh doxmaij,
Doengzcaez byaij diuz roen,
Yamqyamq byaij ndaej onj,
Aen suenranz engq gyaeu.

Mbouj Miz Gungcanjdangj Couh Mbouj Miz Cungguck Moq

没有共产党就没有新中国

□ Cauz Hojsingh swz Cinz Siengzcouh hoiz


Mbouj miz gungcanjdangj couh mbouj miz Cungguck moq
Mbouj miz gungcanjdangj couh mbouj miz Cungguck moq
Gungcanjdangj sinhoj vih minzcuz
Gungcanjdangj de itsim gouq Cungguck
De vixyinx hawj bouxminz diuz loh gaijfang
De dazyinx Cungguck byaij bae coh rongh
De dingjguh liux gangan bet bi lai
De gaijndei liux bouxminz swnghhoz
De hwnqguh liux dieggoek baihlaeng vunzdig
De saedhengz liux minzcuj ndeicawq lai
Mbouj miz gungcanjdangj couh mbouj miz Cungguck moq
Mbouj miz gungcanjdangj couh mbouj miz Cungguck moq

Bouxcuengh Seng Daeuj Gyaez Eu Fwen

壮 家 生 来 爱 唱 歌

□ Suh Cangzliuz sij Vei Licinz hoiz

Bouxcuengh seng daeuj gyaez eu fwen,
Eu ndaej ndaw ndoi roeggaen vuen,
Eu ndaej ronghndwen bienq lai luenz,
Eu ndaej duzbya muengz diuqfoux.



Gij gingjsaek gyaeundeï Mbanjyauzcuz Ginhsü. CinzYajni:ingj

Rox? Rox maz? De gaenbonj
couh mbouj rox doeklaeng song
bi—— Mbouj, mbouj daengz bi ndeu
sim Siu Cuh couh bienq lo, gingqyienz
dam ngaenz, haq hawj Ah Gwnh,
suenq maz cingz lumj haij laeg mbouj
rox bienq? Gangj maz song sim
doxnem mbouj rox faen?

Lungz Byauh ninz youq gwnz
cong z ngeix bae ngeix dauq, yaep
ndeu haemz Siu Cuh haeuj ndok, yaep
ndeu youh gyaez Siu Cuh haeuj sim,
hix mbouj rox dwg hanh roxnaeuz
raemxda, hawj aen swiz gaeuq
caet saekhoengz haenx bienq ndaej
niunwknwk caemhcai q dumzdwddwd.

“Lungz Byauh, hwnqdaeu j gwn di
doxgai q ba!” Daxmeh de youq henz
cong z heuh.

“Gou mbouj siengj gwn.”

“Mwngz ninz ngoenz ndeu lo,
mbouj gwn doxgai q baenzlawz ndaej?”

“Gou cij siengj ninz, meh, geij

•Sawcuenhraz Lwngyez•

Gij Golwngyez Henz Dahhoengz

红 水 谣

□ Lanz Haijyangz Moz Beibei / 蓝海洋 莫蓓蓓

ngoenz neix gou byaij roen dauqma
baeg lai lo.”

“Ai!”

Daxmeh bibi gyaeuj, danqheiq
byaij ok rug lo, byawz beij daxmeh lij
rox daeglwg, de baenzlawz mbouj rox
gij simsaeh daeglwg? Seizneix ranz
Cinz Dayenz bouxhek rim ranz, cenj
laeu j doxcienq, vih lan daihcib ndaej
rim ndwen baij laeu j goenghoh,
nauhyied dangqmaz! Danghnaeuz
mbouj dwg aenvih dajsou mbouj ndei,

ranz de itdingh youq laj gofaexnganx
rog douhung dap aen daizheiq, eu
ndaej sam hwnz sam ngoenz, aiq
seizneix gaenq bongx gyong roq laz,
sing fwen rim rwz hwnj mbwn bae lo
ne!

Ngeix bae ngeix dauq, Lungz
Byauh cungj vut mbouj ndaej gij
cingzeiq doiq Siu Cuh, ciuh vunz neix
de ae u mbouj ndaej Siu Cuh guh yah,
roxnyinh uengifeiq daengz gwnzbiengz
baez he lo, hoeng seizneix gaenq

baenzneix lo, de youh miz maz rengz
bae doxdingj ne?

Mbwn menhmenh laep lo, gwnz
dingjranz yienh’ok aen conghcueng
bohliz iq he, dwg aenvih ndaw rug
laepngaungau cij yienh okdaeuj.

Sawqmwh, aen conghcueng daez—
singj de lo, de nyaenx gij saeh
simnyap bae, caemdingh roengzdaeuj,
ninz ndaek guh fangzhwnz lo.

(caengz sat)